

Broj: 03-02-1460-1/2021  
Sarajevo, 12.05.2022. godine

**PARLAMENT FEDERACIJE  
BOSNE I HERCEGOVINE**

- Predstavnički dom-  
gosp. Mirsad Zaimović, predsjedavajući
- Dom naroda –  
gosp. Tomislav Martinović, predsjedavajući

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primijeno: 13-05-2022			
Org. jed.	Broj	Priloga	Vrijednost
01.02	-02-	967	22

Bx8

Poštovani,

U skladu sa članom 17. Uredbe o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH“, br. 87/21, 89/21 isp. i 90/21 isp.), u prilogu Vam dostavljam Izvještaj Federalnog ministarstva razvoja, poduzetništva i obrta o dodijeljenoj finansijskoj pomoći i ostvarenim efektima Uredbe o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19, koji je Vlada Federacije Bosne i Hercegovine usvojila na 314. sjednici, održanoj 12.05.2022. godine.

S poštovanjem,



**PREMIJER**

**Fadil Novalić**

Prilog: kao u tekstu

1993  
 PARLAMENT FEDERATIE  
 BARBADOS

1993 1993			
1993 1993	1993 1993	1993 1993	1993 1993

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH” br. 1/94, 8/95, 58/02, 19/03 i 8/06) i člana 17. Uredbe o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21, 89/21 isp. i 90/21 isp.), Vlada Federacije Bosne i Hercegovine na 314. sjednici održanoj 12.05.2022. godine, donijela je

## ZAKLJUČAK

1. Usvaja se Izvještaj Federalnog ministarstva razvoja, poduzetništva i obrta o dodijeljenoj finansijskoj pomoći i ostvarenim efektima Uredbe o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21, 89/21 isp. i 90/21 isp.).
2. Izvještaj iz tačke 1. ovog zaključka, Vlada Federacije BiH dostaviti će Parlamentu Federacije BiH najkasnije do 15.05.2022. godine.
3. Ovaj zaključak stupa na snagu danom donošenja.

V. broj: *640/2022*  
12.05.2022. godine  
Sarajevo





FEDERALNO MINISTARSTVO RAZVOJA,  
PODUZETNIŠTVA I OBRTA

## **IZVJEŠTAJ**

### **o dodijeljenoj finansijskoj pomoći i ostvarenim efektima**

Uredbe o mjerama finansijske pomoći obrtima i ostalim samostalnim  
djelatnostima u Federaciji Bosne i Hercegovine u cilju ublažavanja negativnih  
posljedica pandemije COVID-19

Mostar, april 2022. godine

Izveštaj o dodijeljenoj finansijskoj pomoći i ostvarenim efektima Uredbe o mjerama fin.pomoći

## U V O D

U skladu sa članom 16. i 17. Uredbe o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21;89/21 isp i 90/21 isp), Federalno ministarstvo razvoja, poduzetništva i obrta na osnovu pribavljenih podataka iz službenih evidencija Porezne uprave Federacije BiH sačinjava izvještaj o dodijeljenoj finansijskoj pomoći i ostvarenim efektima navedene Uredbe, referišući se na svrhu dodjele finansijske pomoći korisnicima, a to je opstanak obrta i ostalih samostalnih djelatnosti, očuvanje radnih mjesta i osiguranje podrške likvidnosti u svrhu prevladavanja okolnosti koje je izazvala pandemija COVID-19.

Sredstva finansijske pomoći po ovoj uredbi su dodijeljena u svrhu refundacije već isplaćenog dijela bruto plata za uposlenike obrta i ostalih samostalnih djelatnosti, kao i dijela doprinosa koji se obračunavaju na propisanu osnovicu za obračun doprinosa za vlasnike obrta i ostalih samostalnih djelatnosti za razdoblje od 01.08.2020. do 31.07.2021.godine.

## PROCES IMPLEMENTACIJE UREDBE

Vlada Federacije Bosne i Hercegovine je 27.10.2021.godine donijela Uredbu o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 („Službene novine Federacije BiH”, br. 87/21;89/21 isp i 90/21 isp).

Cilj dodjele finansijske pomoći u skladu sa navedenom Uredbom bio je opstanak obrta i ostalih samostalnih djelatnosti, očuvanje radnih mjesta, te osiguranje podrške likvidnosti u svrhu ublažavanja negativnih posljedica pandemije COVID-19.

Pravo na dodjelu finansijske pomoći po ovoj uredbi ostvarili su svi obrti i ostale samostalne djelatnosti, koje su uredno izmirivale svoje obaveze po osnovu direktnih i indirektnih poreza i koje su očuvale radna mjesta, a na osnovu službenih evidencija Porezne uprave Federacije BiH, kao i Uprave za indirektno oporezivanje Bosne i Hercegovine.

Procedura dodjele sredstava bila je sljedeća:

Dana 10.11.2021. godine, u skladu sa Uredbom, objavljena je **Preliminarna lista korisnika** finansijske pomoći, kao i onih koji nisu zadovoljili uslove Uredbe sa tačnim opisom razloga odbijanja, putem linka <https://finpomoc2021.fmrpo.gov.ba/>, a na osnovu službenih evidencija Porezne uprave Federacije BiH. Link je objavljen na internet stranicama Vlade Federacije Bosne i Hercegovine i Federalnog ministarstva razvoja, poduzetništva i obrta. U ovoj fazi projekta obrtima i ostalim samostalnim djelatnostima, koji nisu zadovoljavali uslove iz Uredbe ostavljen je rok od 15 dana da se mogu obratiti Poreznoj upravi Federacije BiH, zbog eventualnih provjera, korekcija i konačnog ažuriranja podataka. U ovoj fazi upućeni su dopisi resornim ministarstvima za dostavu listi korisnika finansijske pomoći po Uredbi o interventnim mjerama za podršku ugroženim sektorima privrede Federacije Bosne i Hercegovine u okolnostima pandemije COVID-19 za 2020.godinu (Službene novine Federacije BiH, broj 74/20 i 21/21), jer je definisano da korisnici po pomenutoj Uredbi nemaju pravo biti korisnici i po Predmetnoj Uredbi („Službene novine Federacije BiH”, br. 87/21;89/21 isp i 90/21 isp). 18.071 subjekat male privrede se nalazio na Preliminarnoj listi korisnika, koji je ispunjavao uslove za dodjelu finansijske pomoći.

Potom je napravljena nova razmjena ažuriranih podataka sa Poreznom upravom Federacije BiH sa danom 26.11.2021.godine, kao i sa Upravom za indirektno oporezivanje Bosne i Hercegovine, nakon čega je 03.12.2021. godine objavljena **Potencijalna lista korisnika**, putem linka <https://finpomoc2021.fmrpo.gov.ba/>, nakon čega je ostavljena mogućnost ulaganja prigovora Ministarstvu u roku od 8 dana, za sve obrte i ostale samostalne djelatnosti koje se nisu našle na Potencijalnoj listi. U ovoj fazi smo od resornih ministarstava dobili liste korisnika finansijske pomoći po Uredbi o interventnim mjerama za podršku ugroženim sektorima privrede Federacije Bosne i Hercegovine u okolnostima pandemije COVID-19 za 2020.godinu (Službene novine Federacije BiH, broj 74/20 i 21/21), te smo iste isključili sa liste potencijalnih korisnika. Bilo je ukupno 25.045 subjekata male privrede na Potencijalnoj listi, koji su ispunjavali uslove za dodjelu finansijske pomoći. Možemo konstatovati da je skoro 7.000 subjekata iskoristilo period od ostavljenih 15 dana za ažuriranje podataka na Poreznoj upravi.

Nakon protoka roka za prigovore, rješavanja po istim i upoređivanja broja zaposlenih na osnovu službenih evidencija Porezne uprave Federacije BiH u skladu sa članom 7. stav 1. tačkom e) Uredbe, Vlada Federacije BiH je usvojila konačnu listu korisnika finansijske pomoći dana 23.12.2021.godine, koja je objavljena putem linka <https://finpomoc2021.fmrpo.gov.ba/>, čime je proces odabira završen. Na Konačnoj listi je ukupno 24.766 subjekata male privrede, koji su ispunili uslove za dodjelu finansijske pomoći i postali korisnici iste. Konstatujemo da je i pored prihvatanja 492 osnovana prigovora, manji broj korisnika pomoći u odnosu na Potencijalnu listu za 279 subjekata male privrede, a što je posljedica pada broja uposlenih kao obaveznog preduslova za ostvarivanje prava na finansijsku pomoć.

Transfer sredstava finansijske pomoći na transakcijske račune korisnika izvršilo je Federalno ministarstvo finansija/financija u saradnji sa Ministarstvom razvoja, poduzetništva i obrta u januaru 2022 godine.

## **OSTVARENI EFEKTI**

**Dodjela finansijske pomoći elektronskim putem, bez dostavljanja bilo kakve dokumentacije, a na osnovu službenih evidencija, provedena je po prvi put u Federaciji BiH izuzetno uspješno, što je svojevrsna novina i značajno olakšanje subjektima male privrede registrovanih kao samostalne djelatnosti. Saradnja Ministarstva sa Poreznom upravom Federacije BiH odnosno Ministarstvom finansija Federacije BiH, a potom Uprave za indirektno oporezivanje te Centralne banke Bosne i Hercegovine bila je na jednom visokom nivou, što je rezultiralo apsolutnim uspjehom. Zaista je pozitivna reakcija javnosti i samih korisnika pomoći u smislu transparentnosti, jednostavnosti, ekspeditivnosti i na kraju apsolutne učinkovitosti.**

U periodu realizacije Uredbe zabilježeno je ukupno 271.162 pretrage aplikacije, što dovoljno govori o svrsishodnosti cijelog procesa odnosno interesovanju subjekata male privrede.

Ključ za raspodjelu sredstava bio je prosječan broj radnika u periodu od 12 mjeseci, a maksimalan iznos pomoći po jednom subjektu bio je 30.000 KM.

Ukupan iznos isplaćene finansijske pomoći je **59.999.335,49 KM**.

Pravo na finansijsku pomoć ostvarilo je ukupno **24.766** subjekata- obrta i ostalih samostalnih djelatnosti, čime je podržano ukupno **44.056** radnih mjesta u Federaciji BiH, od čega se 60% odnosi na obrtnike, kao najveću skupinu subjekata male privrede registrovanih kao fizička lica odnosno samostalnih djelatnosti.

Ukupan broj korisnika finansijske pomoći po kantonima u Federaciji BiH dat je u tabeli.

Naziv	Broj Korisnika	Iznos finansijske pomoći
HERCEGOVAČKO-NERETVANSKI KANTON	2.291	5.810.328,34
KANTON POSAVSKI	329	764.476,38
ZAPADNO-HERCEGOVAČKI KANTON	1.296	2.715.458,06
KANTON SARAJEVO	5.425	13.505.220,61
SREDNJOBOSANSKI KANTON	2.812	6.561.232,36
TUZLANSKI KANTON	4.733	12.083.114,26
UNSKO-SANSKI KANTON	2.337	5.986.355,80
BOSANSKOPODRINJSKI KANTON	318	595.939,85
KANTON 10	491	993.806,30
ZENIČKO-DOBOJSKI KANTON	4.734	10.983.403,53
	<b>24.766</b>	<b>59.999.335,49</b>

Opstanak obrta i ostalih samostalnih djelatnosti kao cilj projekta je ostvaren i to posmatrajući period (decembar-mart) kada je privredna aktivnost kod samostalnih djelatnosti i najmanja. Naime, u decembru 2021.godine evidentirano je ukupno 52,989 subjekata, dok je u martu 2022.godine taj broj uvećan i iznosi 53.041 subjekat-obrta i ostalih samostalnih djelatnosti.

Očuvanje radnih mjesta i osiguranje podrške likvidnosti u svrhu prevladavanja okolnosti koje je izazvala pandemija COVID-19, posmatrano u razdoblju od dodjele finansijske pomoći u januaru, pa do marta, kada je inače, privredna aktivnost kod samostalnih djelatnosti i najslabija, nije zabilježen pad zaposlenih. Naime, u januaru 2022. godine bilježimo 58.195 zaposlenih, dok je u martu evidentirano 58.196 zaposlenih. Očekuje se dolaskom ljetne sezone značajno povećanje radnika u ovom veoma dinamičnom sektoru.

Možemo konstatovati efikasnost u implementaciji, koja je rezultirala planiranim efektima u skladu sa ciljevima Uredbe, definisanih na sljedeći način: opstanak obrta i ostalih samostalnih djelatnosti, očuvanje radnih mjesta i osiguranje podrške likvidnosti u svrhu prevladavanja okolnosti koje je izazvala pandemija COVID-19.